

Valur da la cumpetenzza linguistica

(gsc) Dapi december 2012 arranscha «Coscienza Svizzer» (www.coscienza Svizzera.ch) occurrenzas da debatta davart la plurilinguitad svizra en fatscha a la globalisaziun (v. La Quotidiana dals 14 da december 2012). Sco proxim referent rapporta l'economist François Grin davart la valur economica dals linguatgs. Grin (* 1959) docescha a l'Universitad da Genevra ed a l'«Università della Svizzera Italiana». El ha gist elavurà in rapport davart quella valur (www.npld.eu). Cun quella occasiun vulan «Coscienza Svizzer» e la «Pro Grigioni Italiano» discutir l'idea da perscrutar ils lioms tranter cumpetenzza linguistica ed entradas. La scuntrada sa splega sonda, ils 27 d'avrigl, a las 14.00, a Cuir, en la Scola chantunala («Kanti Plessur»). L'antierur cuss. naz. Remigio Ratti (Ligiaun), parsura da «Coscienza Svizzer», e Luigi Menghini, parsura da la «Pro Grigioni Italiano» da Cuir, avran l'occurrENZA; il linguist Alessio Petralli (Ligiaun) introducescha lura la dumonda. François Grin referescha da las 14.20 a las 15.20; i suonda la discussiun publica. I vala segir la paina da far part da quella occurrENZA cuminaivla davart las vistas da nossas linguas naziunalas.